

岑溪縣志

民國廿三年重刊

重刊序言

本邑縣誌修自遜清乾隆初間迄今二百餘年矣續修不知何時而原本已留存無幾去年余忝充省志采輯員須是書參攷徧查縣內僅得兩本而又殘缺不完計首卷兵防門缺去數頁次卷文藝門亦缺一頁中間蠹蝕之處又復不少若遲之數十年恐斷簡殘編亦不可得後之人縱有志編修其如文獻之無徵何而本邑之往事亦惟付諸闕文之列已耳豈非考古者之憾事歟爰於省志采輯完竣後商請梁縣長提撥公款將該志重行付刊並通令學校暨區鄉公所均各購存一本存書既多斯湮沒不易庶一邑之歷史藉以保存而後人之纂修可資參考已謹記始末以俟來者

中華民國式拾叁  
年一月三十日 邑人 梁 景 熙 識

序

僕待罪岑溪將四載矣行且調去念無以遺我父老子弟用與諸紳士修輯邑乘自夏迄冬書成凡四卷文不加于舊志而隸事既多且詳獨地處荒僻苦無藏書廣資考訂挂漏舛誤知所不免以是遺我父老兄弟幸共正之

乾隆四年孟秋望日南海何夢瑤

修志姓氏

知縣何夢瑤 教諭陸本仁 訓導莫 疏

舉人鍾朝朗 吳賓選

貢生 何 謙 鍾 昇 王李民 黎 庸 張 懿

高卓然 嚴殿直

監生 高若侗

生員 楊世祚

莫若煥

練 緻

唐聖祥

李儒鬆

楊大藩

乾隆九年重修

知縣 劉廷棟

天文志

星野之說言人人殊夫天道遠人事邇言天文必驗諸人參以氣候災祥因時調燮司土者所宜知也

分野

岑古百粵地于九州屬荆楚之域于九野當牛斗之分陶商翁謂梧城依南斗之魁而岑距梧僅百里許無亦在斗魁分野中歟舊志按舊志載岑屬荊州禹貢之域分野屬牛女之墟夫荊州分野屬翼軫而牛女則揚州分野也若岑屬牛女則為揚州域非荊州域屬翼軫

則為荆域非揚域矣嘗聞先達云三江西北屬荆楚三江東南屬揚州是一省之中有異屬矣舊志

按唐僧一行兩戒之說宋蔡戡主以立論謂粵西東南境屬牛女省志梧州府軫宿六度大江以南繡江以東入于女岑地正當大江南繡江東其分野當屬女舊志似誤

考女宿四星又名須女水星也凡十度斗牛女星紀之于辰在丑吳越分野屬揚州劉歆三統曆起斗五度終女二度漢書律曆志起斗十二度終女七度費直說周易起斗五度終女二度蔡邕月令章句起斗六度終女二度陳卓景初曆起斗七度終女四度皇甫謐帝皇世紀起斗十一度終女七度一行大愆歷起斗九度終女四度明大統曆起斗三度終女二度說雖不一然唐書謂斗為吳分則牛女為越分岑當越之委固與斗無涉恐去牛亦遠遵省志屬女似為得之

氣候

岑土多暖少寒隆冬無雪昆蟲少蟄草木不甚零落桃李先梅而綻初春晴霽燠如夏稍雨則凜冽盖地屬炎方近南海多風故倏暑倏寒如此語曰四時常似夏一雨便成秋信夫

節舊志

粵西炎微天氣多暖少寒三夏固暑而經秋更熱謂之蒸秋地暖無冰雪或數十年一見近年霜雪頗重逾于往時

節舊志

調攝無如慎起居節飲食嶺外風氣與中土不同未寒先着衣未熱先脫衣飢飽得宜自然康泰而客茲土者有不服水土之說無乃忽雨暘之候失飢飽之宜即土人習慣苟一失調不能無病故微雨微風乍涼乍暑之際切不可解衣乘涼

節舊志

岑自隆萬以前水田多種一造于春耕夏耘秋收冬藏最爲應侯其時一莖數穗穀至數百粒而閭閻充足天啓年間始種早稻歲耕二造其早造則驚蟄播種小暑大暑收穫晚造則芒種播種冬孟仲月收穫雖得早稻以救飢而于時有先後違其物性且當溽暑方插秧時又刈早稻人力不及延至秋後秧針已老成穀無多反不如古

節舊志

古人登臺望人物以卜年時岑之望山曰小瀧大甕通天天堂雙貴土柱腰鵝鳳山若雨則先有雲氣罩其巔久旱而有長霧如拖船形者久雨而向晚有明霞者必晴歲首有黃雲必年熟有赤雲必旱陰晦必年穀不登人多病瘴若大風大雨鳴條震屋者瘴氣多隨而至人觸之必染時症云

災祥

明嘉靖四十年文廟災

萬曆六年五月十七日雷震文廟

國朝順治三年冬大雷雨

四年夏雨雹大如碗日中有形如刀

五年星隕東南如雨桃李實大如瓜牛生二犢

順治九年虎競入村食人至十年患猶未息

順治十二年隕雪冬雷

順治十三年冬有大星如毛

順治十七年冬雷十八年竹生花

康熙元年大水地動有聲轟然自西北至東南

康熙三年冬雷彗星見

康熙四年秋地震

康熙十三年有白氣如虹

康熙十五年有二星並行乍起乍下

康熙二十二年元旦大雷電以風冬雪深徑寸

康熙三十六年桃生綿豆

康熙五十一年八月己卯大風傷禾民乏食死徙甚衆

康熙六十年冬雷鳴自暮達旦聲闐闐如鼓

康熙六十一年十一月十二日天有聲如雷是年竹盡枯筍生花

雍正元年夏大風拔木五月無雨河忽暴漲人畜廬舍漂沒上流西寧縣排埠山崩爲潭大木漂下填河人所未見

雍正三年六月河溢壞田

雍正六年虎入西南鄉食人一大虎首胸皆有長白毫如纓是年冬十一月雨雪厚三寸十二月又雪竹樹枯

雍正七年夏雹大如椀

雍正十一年耕牛瘟死殆盡

雍正十三年夏天有聲如雷雹大如椀

乾隆元年二月地震夏白燕見曇容人以爲瑞

乾隆元年二月十二日夜半地震

乾隆二年二月二十一日地震

地輿志

申畫郊圻慎固封守百里雖小任亦重矣周知一縣何可易言按圖而稽因地施治如農有畔行無越思其庶幾乎志地輿

#### 沿革

按省志沿革表止載唐以後而舊邑志云秦開五嶺地屬南海漢元封五年始置岑溪縣『按廣輿記云岑溪漢蒼梧地』梁普通五年置永業郡隋開皇三年降永業郡爲永業縣尋廢始以永業縣隸瀧州『當云以其地隸瀧州』卽今羅定州唐武德三年嶺南蠻長馮盎叛擊破永業據之四年桂州總管李靖南巡盜以其地降五年始置南義州屬銅州卽今容縣云云荒署史乘缺畧無從稽考恐非無據唐書武德五年以永業縣地置南義州而省志謂高祖時置龍城縣於縣置南義州蓋以永業縣地置龍城縣於縣置南義州若今於蒼梧縣置梧州府也唐書南義州尋廢尋復後第名義州『舊志云貞觀元年改南義州爲南建州六年復名南義州是以改名爲廢省志云太宗時廢南義州以龍城縣屬南建州尋復置義州似別有南建州非南義州所改俟考』領岑溪安義義城三縣『原注岑溪本龍城武德五年置并置安義義城二縣至德中更龍城曰岑溪』而舊志云天寶元年置連城郡尋降爲縣肅宗乾元元年復舊州名南義州領岑溪永業連城三縣與唐書不同豈高祖時置龍城安義義城三縣領以南義州太宗時廢南義州尋復元宗時改南義州爲連城郡肅宗時復爲南義州又改龍城安義義城三縣名岑溪永業連城三縣歟省志南漢岑溪縣爲義州治宋開寶四年改義州爲南儀州六年省連城永業二縣入岑溪熙寧四年州廢以岑溪屬藤州元因之

明岑溪縣屬梧州府而舊志謂宋太平興國六年以州名犯諱改爲南儀州熙寧四年廢州及永業連城二縣入岑溪屬藤州未知孰是當考之宋史

按舊志岑古併三郡縣地爲一縣今以岑地考之恐未必然大抵當日郡降爲州州降爲縣雖遞爲降置而名號未嘗不存故有數州縣之名雖屢經遷移而基坵未嘗全泯故有數廢城之蹟蓋岑地最小故附隸不常其地東近瀧州則以永業名縣而隸之西近銅州則以南義名州而隸之北近藤州則以岑溪名縣而隸之究之彼廢則此置必無一州領三縣之理不然亦割銅藤瀧三州邊鄙之地而共爲一縣耳『瑤按此說非是唐書明云南義州領岑溪安義義城三縣矣』

向之先達謂併三爲一以爲大今之守土又以爲小夫岑固小邑也順治年間知縣劉廣國曾謂岑小而僻不成縣治欲以連永二鄉附蒼梧西南二鄉附容縣上下化歸義三鄉附藤縣具詳上臺未允其請竊以崇正末年有截長補短之議最爲良謨其議岑治東南西三方頗寬北方甚窄計地不過十里卽藤縣界乃義昌鄉三里也夫義昌鄉至岑僅半日程至藤則二日程義昌父老咸思附近願以其地屬岑凡輸糧赴愬旣近且便岑士民亦樂得其地以正幅幘廣賦稅在藤三廂二十七里割三里以益岑不爲不足在岑三里而又增三里不爲多且義昌去藤旣遠其地界蒼岑之間有牛嶺牛兒二隘每多山寇往時遇警追捕輒爲疆域所阻不敢擅越而有司亦互諉卸責不任其咎在藤固屬鞭長而在岑則屬背肘之疾矣康熙十三年吳逆變亂孫延齡附從五月梧州失守土寇吳鳳破岑奪印僞總兵林萬勝孫雲客復大糾逆旅駐義昌爲亂唐遊戎討平之闔邑紳士與義昌父老咸引舊議具呈兩院請割義昌三里歸岑已獲俞允未幾肇慶失陷其議遂寢倘後有賢司牧得援是說爲民祈諸苟獲俞允幅幘旣正疆圉鞏固百姓又安隆名垂諸奕禩矣節舊志

輿圖

# 岑溪縣新區鄉地圖





圖地鄉分蓋縣溪峇



疆域

岑溪縣在梧州府城西南一百八十里縣境東西距一百七十里南北距一百一十五里

東至黃陵隘接廣東西寧縣小洞汛一百一十里

西至曇廣村接容縣李村六十里

南至鄧田村接廣東信宜西寧石根汛一百里

北至烏峽村接藤縣綠雲村一十五里

東南至北科佛子隘接廣東西寧排埠洞八十里

東北至腰峨嶺接蒼梧縣界排村一百里

西南至大牛隘接容縣古郎隘六十里

西北至六凡隘接藤縣大練村二十里

山

上化鄉山

白石山 在城北十二里為縣治祖龍  
多白石東連烏峽西接石人

望高嶺 在城北城枕其  
麓上有社稷壇

烏峽山 在城東北十五里山  
高洞狹為岑門戶

紅帽山 在城東五里  
麓有常寧墟

巾子山 在城東七里  
麓有葛仙巖

石人山 在城北十五里山頂一巨石狀如人  
又名高城山有廢營址山麓有隘

文祥山 在城北七里秀麗  
高聳麓有探花井

蘇力山 在城西北二十里嶺長行人  
至此力竭而憩故名有隘

西瀧山 城西十里峭拔森秀縣前河西流遠山麓  
亂石激湍不通舟楫相傳山燒則民居災

犀牛山 城西北五里狀  
如牛有廢營

象山 在西瀧山前與犀牛  
對峙並鎖岑水口

六凡山 城西北十五里  
西瀧山外有隘

鄧公山 在城西十五里  
麓有鄧公廟

雲松山 在城西十八  
里有聚仙亭

將軍山 在城西南十五  
里天堂山西

天堂山 城南十里有  
廢營東有隘

大甕山 在城南十五里林  
木森秀雲迷必雨

下化鄉山

雞頸山 在城西十七  
里有廢營

排候山 在城西十七里  
路險隘舊多盜

黃嶺山 在城西南  
二十二里

冷水山 城西南二十八里  
路通南渡昔多劫掠

林丁山 城西二十三里  
山徑險隘昔多標掠

天子嶺 城西北十八里  
有石一片如挂榜狀

歸義鄉山

丁郎山 城東十三里亦名  
蝴蝶山丁孝子墓在焉

馬鞍山 城東十四里如  
馬鞍狀故名

禾倉山 城東十七里

望里嶺 城東二十二里麓  
下有龍潭深不可量詳八景  
龍潭聽雨

雙貴山 城東二十五里與  
永業下七山界

甘桐嶺 城東南二十里  
路通北科

孔陵崗 城東南十八里  
西麓路通大洞

西鄉山

探花山 城西北五十里

綠袍山 城西北四十里  
樹木叢茂

封侯山 城西十五里

廷泊山 城西南四十五里

南鄉山

龜殿山 城西五十里  
將雨必霧

木婆山 城南六十五里  
層巒疊嶂雲迷必雨

古欖山 在城西南二十  
八里層巒疊翠

山藍平 在城西十二里

綠楊山 城西北二十四里

觀音山 城東十三里

白象山 城東十七里麓  
有白象巖詳八景秋風石室

石川山 城東北二十五里

大運山 城東二十一里  
有廢獨山營

通天嶺 城東三十二里  
森鬱高峻背即北科鎮

大水山 城東南十六里

四華山 城西六十里  
羣峰競秀

挂榜山 城西六十里  
中有石如榜故名

古浪山 城西六十里  
高峻森鬱

滄水山 城西南六十里

交椅山 西南六十五里  
形如交椅麓有大牛隘

五里山 城南六十八里  
中有瀑布高數百丈如白練

陀田山 城南六  
十里

六葵山 城南六十里有龍  
臺潭祈雨於此

黃練山 城南六  
十里

紗帽山 城西南  
六十里

永業鄉山

周婆山 城東北七十里高百餘丈尖  
斜如曲筍與周公山對峙

周公山 城東北八十里巖石  
險峻舊為獠賊巢窟

腰峨山 城東北一百里崢嶸秀  
麗又名秀峰山有隘

風雷山 城東北一百一十里  
與蒼梧界有隘

黃陵山 城東一百一  
十里有隘

鐵根山 城東一百  
里有隘

橫山 城東南一百  
里里界西寧

崩塘峽 城東三  
十五里

能習山 城東一百里又  
名能達產鉛鑛

古萬山 城東四  
十八里

雲胎山 城東南  
九十里

勝洞山 城東南  
八十里

古味山 城東南六  
十五里

連城鄉山

馬嶺 城南三十五里層巒疊障一名都盆山又  
名羅城山山下有棺材峽路通連城鄉

雲平山 城東南  
四十里

三髻山 城南五十里  
又名雞冠山

鳳凰山 城南五十五里形勢高峻巖石離奇蜿蜒  
數十里右有挂榜石大峒參將府在其東

石鼓山 城南七十五里石壁磊落扣之  
如銅鼓聲臨皇華江四王大灘

青墨山 城南八十五里紆迴盤  
鬱昔為寇魁陳選巢穴

土柱山 城南一百里上出重宵  
形如卓筆與容縣界

石根山 城南一  
百里

雲會山 城南一百里高峻雲  
聚必雨背名金鎖嶺

已上各鄉各山其為獠人居住者另見廂鄉獠山川

大河

縣前河

其源一出永業黃陵山流繞至崩塘北合大洞水一出連城大洞三髻山流至北科合  
西寧合江水至崩塘北合黃陵水陸容納小水至縣前西下繞西瀧山脚亂石錯落水  
勢激湧不通舟楫者十里流至藤地合義昌江以其流經西瀧山麓故又名瀧底河以

其會義昌水故又名曰義昌江

皇華江

原出西寧懷鄉至欖灘村下入岑白人隘西歷水汶平河南渡至水口村入藤縣合繡江舊稱江出皇華山下故名然考江之上源無皇華山或以其流經南渡司又名南渡

河云

上化鄉小水

龍船河

在西瀧山西六凡山南流至百花洲前八縣前河

赤水河

自大甕山流出至城嚴村北八縣前河

烏峽河

自欖山流經烏峽村南八縣前河

古眉河

自石人山流出經古眉村西入縣前河

下化鄉小水

羅末水

其源一出黃嶺山一出上化將軍山至六蠻合一出古欖山至平塘合又一出上化安留堡過排候山脚至羅末村東合而為一流至水口村入皇華江

歸義鄉小水

大埔水

出大埔村南流至新庄入縣前河

孔北河

出山心北流至思孟入縣前河

謝村水

出謝村南入北流入縣前河

急水河

一自欖山埔出一自石川山出流至羅沙村北合一南入縣前河

龍潭水

出洞頭古皮二處合流至竹山村入縣前

西鄉小水

古泰河

出古浪山至盧村前入皇華江

下街水

出四華山右至都功村下入皇華江

荔黃水

出探花山左至荔黃村下入皇華江

林丁河

出上林丁流入皇華江

南鄉小水

南鄉水

其源一出交椅山一出坡舍村一出木婆山會合流至西鄉河口村下入皇華江

永業鄉小水

思回河

出太平洞流繞至思回村下入縣前河

古味河

出上六山入大洞水

木索水

自木索流繞至大石合腰峨小水至望廬村下合黃陵水

乾廂水

自乾廂流繞至石橋村合黃陵河

連城鄉小水

鄧田水

出石根山至水汶村下入皇華江

六村水

出嚴洞至平河村下入皇華江

南洞水

出雲滿山至深桐村右入皇華江

魚修河

出大甕山背黃沙村流至魚修村下入皇華江

水利

凡近溪澗之區可設陂車以資灌溉者不可勝紀

津梁

通濟橋

知縣劉信嘉捐修

楊柳橋

知縣何夢瑤捐修

烏峽橋

塘令石橋

邑人莫學深捐建

板橋

暖水石橋

監生黎粹貞捐建

常寧墟頭石橋

商人施時雯捐建

思勞橋

邑人鄧和璧捐修

洗馬橋

邑紳高輅捐修

寮埇口橋

邑庠楊世祚邑人朱連月全捐建

硬口橋

同治間邑人吳

十三建

南門渡

知縣何夢瑤捐修

菜園渡

邑庠李白榮倡設

木塋渡

邑人郭會捐設

六仁洞渡

邑庠李儒鬆倡設

坡角塋渡

邑人張允朝倡修

瀧面渡

邑人練經綸倡設

已上上化鄉

排候橋

知縣何夢瑤捐建

六蠻橋

已上下化鄉

勒黎石橋

邑紳高輯捐建

新庄河橋

監生李典捐建

新庄洞磚橋 監生嚴訓重修

羅沙橋

急水河橋 邑紳嚴李奇捐建  
其孫嚴早重修

水邊橋 邑庠王珉光倡修

謝村渡

石嘴渡

大漳橋 同治間邑庠莫如賢捐建

根子橋 道光年間千總職  
余自朗建

大泣下石橋 監生謝聖惠捐修

大泣下陰橋

根竹橋

中圍橋

大石橋

崩塘渡 邑紳嚴李奇捐設屬其子  
孫世代修理以濟行人

馮璉橋

沙埧橋 賴萬春建今圯

水汶墟尾渡

廂鄉

上化鄉 一黨二甲三堡七獠山五隘 獠人所居謂之山獠民居  
謂村也近亦有名村者

望黎橋 邑紳嚴李奇捐建

羅許渡 知縣何夢瑤捐修

已上歸義鄉

雞塋渡 貢生廖全捐設

南儀渡

已上西鄉

望爐橋 邑紳嚴李奇捐建

竹子橋 邑紳嚴李奇捐建

思和橋

古味橋

已上永業鄉

鎮龍橋

水汶墟頭渡

已上連城鄉

附城西北黨

甘村 嬰村

街甲

水東街 南街 勒竹村 菜園 新村 探花塍 坡田寨

陳埭口 五里亭

常寧墟

石橋  
東

奇零甲

思勞村 奇營 上洞 硃砂村 牛欄塘 新擔塘

葛井堡

葛井村 龍塘村 新慶村 河邊村 下坡村 烏峽村

石龍埔 楊柳橋 的埔 上古眉 中古眉 下古眉

斗塘村 平田村 永寧村 下馬塘 常寧墟

石橋  
西

木塍堡

木塍村 城巖村 城郡村 福傳村 樟木村 旺經塘

大塘村 大石埔 陂角塍 底塍 洞心村 錄仁洞

赤水埔 大旺山

安留堡

安留村 平塘村 榕木村 楓木材 穀堆村 善村

雲松村 紫泥村

遙山



蝦埔山 大審山 雲爛山 黃沙山 白石洞 大甕山  
寮田山

隘

蘇力隘 石人隘 烏峽隘 王官隘 六凡隘  
已上五隘俱附近鄉勇守

下化鄉三甲三獠山一隘

羅末甲

羅末村 東村 西村 北村 平塘村

福慶甲

福慶村 金康村 六蠻村 黃嶺村

義洞甲

大寨村 曇平村 荔枝坡 古欖村 塢頭村 山藍平

獠山

黃嶺山 古欖山 馬埔山

隘口

水口隘 鄉勇守

歸義鄉四堡五獠山

謝孟堡

謝村 思孟村 高坡村 勒黎村 木路坡 大塋村

上丁蘭 下丁蘭 高嶺村 路錦村 路位村 新寨

沙洲村 栗木坡

秋羅堡

羅許村 新庄村 坡脊村 羅沙村 秋風村 雲馱村

榕坡村 曇播村 欖坡村 坡尾村 欖埔村 大埔村

羅平堡

羅平村 曇給村 沙洋村 上寨村 甘坡村 荔枝村

梁屋村 高樓村 底墜村 竹山村 田寮村 大王洞

思候村 斷河村 龍鱗村

石坡堡

石坡村 曇略村 大旺庄 曇甘村 洞心村 義貞村

湓塘村 望里村 龍坡村 黃蜂石 鼓皮村 瀧頭村

飛鼠村

獠山

山心山 孔札山 捧水山 內蘊狗獐婆上  
下龍王四村 分水山

飯埔山 內塘巖獨堆山心長坡  
孔稔塘化洞頭七村

西鄉三堡二獠山一隘

河口堡

南渡司 南儀墟 河口村 永慶村 羣村 封村

盧村 古浪村 新村 古泰村 白坭村 老鴉村

封田村 南安村 新安村 都貫村 長山村

冷水堡

西渡村	六戈村	六味村	新城寨	沙古村	高寨村
勒竹寨	中村	謝村	楊埔村	冷水村	灘邏村
曇寧堡					
曇容村	大村	大社材	都功村	荔黃村	林丁村
曇賡村	六雪村	六使村	六料村	雞墜村	平山村
下街村	綠袍村				
猺山					
稔水山	廷泊山				
隘					
烏石隘	<small>鄉勇守</small>				
南鄉二堡二猺山一隘					
塘頭堡					
六梭村	塘邊村	岳埔村	旺村	容受村	高極村
西村					
曇黎堡					
曇黎村	高創村	曇遮村	沙洞村	封根村	龍村
根山村	石塘村				
猺山					
黃練山	<small>內坡舍沉塘二村</small>				
六葵山	<small>內六告鎗幹木婆蘇河四村</small>				
隘					

大牛隘 鄉勇守

永業鄉四堡四十五獠山四隘

大新堡

崩塘村 思回村 同慶村 外四龍 內四龍 白蘊村

羊額村 新村 雙松村 大滙村 古味村 黑石村

花肚村 見雞村 河口村 古籬村 勝洞村

會竹堡

望爐村 羅旻村 曇士村 黎村 黃麻村 根竹村

底圍村 會村 瀧頭村 冷水村 至明村

良諫堡

大良村 誠諫村 水尾村 乾廂村 雲所村 陀村

古藏村 古靜村 大王村

石塘堡

鬱埇村 中圍村 山塘圍 黃陵村 木索村 大石村

思和村 雲籠村 孔巖村 古特村 羅吉村 鴉過村

獠山

大滙山 上林山 上蓋山 河三山 石橋山 嶺脚山

黎口山 已上七山即 龍訂山 甘羅山 周公山 周婆山

沙田山 松崩山 黎洞山 已上七山下 蓮塘山 玲瓏山

竹尾山 沙上山 聖洞山 古味山 已上六山即 深塘山

水濁山	曇辣山	橫山	松嶺山	鐵根山	大埔山
水井山	高欄山	木瓜山	六埔山	白梅山	大水山
古磊山	孔密山	白花山	大倫山	滑石山	底水山
思連山	白板山	大石山	王石山	河頭山	盤什山
隘					
腰峨隘	風雷隘	鐵根隘	黃陵隘	<small>並官兵守</small>	
連城鄉三里七堡十九營三十二獠山八隘					
上里六堡					
龍化堡					
曾子村	陳村	腰花村	黃薑村	湓洞村	廟背村
河口村	陳楊村	石村			
根竹堡					
鄧田村	沙垵村	良乃村	瀧底村	荒洞村	金沙村
水文村	橫石村	古獐村	深桐村	水文墟	甘羅村
南洞堡					
南洞村	塘瘦村	大六村	雲滿村	石牛村	
車灘堡					
力的村	騎鹿村	石脚村	新村	木五村	楊柳村
大塘村	車灘村	羅留村	寮平村	楊梅村	
六村堡					



已上卽下六  
山舊屬永業

石脚山 逍遙山 關塘山 蚩蛇山 雙園山

桐油山 孔亮山 曇平山 沙琴山 大王山 大藏山

里漢山 架棍山 護村山 蝦埔山 石王山 雲胎山

已上俱在  
北科 高蘭山 雲哨山 山花山 魚修山 白磔山

三髻山 欖白山 大水山 葵山

隘口

羅洋隘 桐油隘 佛子隘 冬葉隘 已上四隘在北  
科俱狼兵守 白人隘

六葛隘 俱鄉  
勇守 鄧田隘 竹蘭隘 俱官兵守已上  
四隘在上里

墟市

長寧墟 原名太平墟俗稱樟木墟在  
城東二里商賈輳集 水汶墟 在連城上里南近廣東  
西寧商賈往來頗多

南儀墟 在西鄉卽南儀廢  
州地又名南渡埠 西安墟 任西鄉曇容村  
北又名羅隆埠

風俗

岑有民獐獠三者民性淳良多業農少商賈服舍樸素不尚文飾飲食儉約吉凶事皆作齋醮祈冥福疾  
病事巫祝少服湯藥天旱禱神不雨則藥魚除夕各家擊金鼓飲酒曰分歲元旦夙興盛服設酒殺中庭  
享祖考序拜飲罷少壯携酒肉往拜外家及族屬尊長彌旬始息元宵慶燈清明掃墓三月三日作烏米  
飯端午作角黍六月祈苗七月十四日享先八月望夜賞中秋稻熟薦新冬至行拜賀比歲首稍差婚喪  
以貧富爲厚薄但婚或贅婿改姓爲子受其田宅或子死以媳招夫爲繼子亦受田宅雖與理不合而鄉  
人習以爲常喪必作佛事時節生辰則具牲醴宴會饋遺少用金帛前代婦女椎髻今改素粧鄉愚畏訟  
常有服毒圖賴者嶺外風俗去其鄙陋取其淳樸文之以禮義漸之以教化自成善俗矣獐獠二俗與民  
大異獐性頑劣言語拘僻文身椎髻飲食粗魯少肄儒業間有識字者卽爲師巫亦有爲蠱毒者名曰挑  
生中者藥發卽斃但有藥解覺者蚤求藥解吐出生物卽無事獐性兇悍言語更拘僻於獐好劫掠嗜冷  
食山棲露宿不畏嵐瘴惟畏瘡痘中者輒徙家避去不知文字有事以破箭斫錢爲要約恃刀弩爲長技

盜牛剽掠鄉村不服官府拘喚惟令山口招主傳諭故禁令保甲不入獠山凡逃逋亡命入山爲流獠卽免鈎攝

本朝定鼎寧輯逾於往時（節舊志）

按岑俗健訟雖刀錐之末必爭而訟田產者尤夥緣貧民鬻產富者操其急予以賤值貧者不甘絕賣暫當待贖而富者必令書賣契故雖當亦曰賣但於券內書云不期年月遠近銀到契退雖百載猶收贖也若力不能贖則索補價富者復持其急令書絕契然價值未足屢索不已至於涉訟官驗是絕契往往責索補者不知田值百金雖百補不及其數難禁再索且絕契多有僞造甚或改換賣主姓名以絕其根此僞契拒贖之控所以紛紛也乃此告拒贖被告拖租蓋岑俗有賣田不賣耕之說甲田雖賣與乙仍甲世耕但納租與乙故甲控拒贖乙控拖租且出其改換賣主姓名之僞契曰非買自甲甲特佃戶也噫計亦狡矣然亦有果係絕賣而妄控收贖者緣岑邑向苦里冬之累田價甚賤今里冬已革田價遂昂奸民希圖補價故妄控收贖也又賣田固仍世耕卽佃田亦多世耕日久奸生或整坵隱匿或逐段割取業主但見租無拖欠不復臨田無從知覺任其侵隱盜賣輾轉數主莫可窮詰雖欲無訟其可得乎又俗喜贅婿分與田產有永遠分給者有暫時給食女死撤回者愚民無遠慮不知寫立分單囑書爲據食田未幾爭訟隨之往往然矣

### 古蹟

舊縣城 一曰新城在西鄉新城寨城址無存建廢無考一曰舊縣在今城西南五里奇營地明洪武三年知縣劉鎮建成化十年遷今治

### 廢郡縣城

舊志一在城東八十里根竹村梁置永業郡隋降爲永業縣唐初改名安義至德中復曰永業宋省入岑溪縣今爲永業鄉一在城南七十里大崗村唐天寶元年置連城郡尋降爲縣宋省入岑溪一云在城東南五十里羅末村按大峒隸連城鄉羅末隸下化鄉建遷先後無考又省志云唐初析瀧州卽今廣東羅定州之正義縣置連城縣與郡降爲縣之說似異俟考定

### 廢州城

在城西南四十里唐武德五年置南義州宋改南儀州熙寧四年廢今卽其地爲南渡埠

### 廢叅將城

在縣治南六十里大峒村古連城郡故址明萬曆八年始建城于此周一百六十丈



內建叅將府以潯梧叅將坐鎮領官弁二員官兵四百有奇名大峒營後叅將不至屬把總官一員管領今兵官俱廢城址尙存

廢北科鎮

在城東南六十里北科峒明萬曆九年設坐鎮官一員管領官兵六百名分駐十四營後以移鎮廢惟外設狼兵尙存

廢望高營

在城後望高領卽今社稷壇地明末奉守道文移北科鎮于此今廢

廢奇營

在城西五里舊縣地明萬曆間猺賊平後設兵六百爲縣犄角屬把總官一員管領今兵與營俱廢

廢脚營一十四處

原係營兵分守各猺山要路每營兵十名今俱廢

高望在城北

根子在城東

天堂

將軍

坡色俱在城南嶺上

獨山

羊寨

甘桐

赤黎已上四營俱在城東嶺上

曇平

盔握已上二營在城南嶺上路由赤黎入大峒

河又里思

山心已上三營俱在城東嶺上路由甘桐入北科

按此與兵防志各營名多不同俟考

孝子墓

在蝴蝶山下按孝子丁密舊訛爲丁蘭漢書丁蘭河內人非岑產也

孝子碑

在城東十里孝子丁密故居旁宦遊者常過謁其居村人苦迎送沉碑於水故金吏部詩有可惜古碑沉水底之句嘉靖間知縣葉儒欲建祠恐無徵索諸村老亦旣諾之矣

時惡少持沉碑獲戾之說嚇阻村衆復沉之深潭遂使先哲古碑不見於世良可痛恨

猺王墳

在永業鄉古猺王墓

甘羅墳

在永業鄉

黃巢駐兵石

在根子營下

探花井

在城西

葛仙井

飲 在葛井村水清冽村人飲之多壽又長寧墟東南有泉從葛仙巖地脈涌出亦清冽可

葛仙巖

在城東一里根子山麓舊傳葛稚川嘗奕棋于此詳八景

葛仙石

在葛仙巖外

雙鳳坊

爲梁簡梁潔兄弟聯科建在城西街久廢

科貢坊

爲通邑舉貢建明季毀

逍遙亭

在城西十八里雲松山頂正統間羽士鄧子眞建詳八景

岑溪八景

南樓晚眺

南城上層樓高聳八窓玲瓏四望水光山光芳村烟樹夏則薰風拂面夜則皓月窺簾種種皆堪圖畫明季樓爲兵燬今繼作數椽規模卑隘殊非舊觀

北山松籟

城北枕山其麓有古松三株老幹拿雲虬枝屈鐵清風引籟韻若笙簧每登振岑樓聽其濤聲煩襟盡滌今松已久枯而樓亦先廢矣

春泛花洲

洲在城西河中明初掌教鍾振輝舉人李茂廖標選勝買洲與縣尹錢夢蘭構菴置田招僧常住環植花木因以百花名洲香海名菴其景晴雨俱宜水月多致滌鉢濯纓泛舟垂釣無不可人雍正三年知縣劉信嘉舉人鍾朝朗監生黃之發李典捐資募助修菴乾隆二年知縣何夢瑤清出侵蝕田塘并懲強砍竹木給示防護載藝文

西瀧晴嵐

西瀧山壁立城西縣前河流遠其麓亂石激湍怒濤迅駛有大小瀧之名因以名山振衣峯頂俯瞰河流屈曲寫入襟懷心目開曠雨後嵐烟浮碧變態萬狀尤屬可觀

仙亭觴月

卽逍遙亭相傳鄧羽士聚仙于此重簷四柱翼然憑虛每當素月流空金波萬頃俯視人寰塵埃盡洗舉杯相屬覺庾樓清興正復不淺

葛巖瀑布

卽葛仙巖山勢迴抱巖洞幽邃玉莎遶徑鋪茵畫壁倚雲作障瀑布中懸如挂足練跳珠灑雪清韻冷冷

秋風石室

秋風村背白象山巔有巖如室可容十餘人磴道曲折而上遊者有摩天弄雲之致左右有鐘磬鯨魚三石叩之各如其聲山人譚四我嘗隱于此得一白石類象又名白象巖

龍潭聽雨

水源出七山至望里嶺脚渟蓄成潭其深莫測久旱禱雨投紙錢于水沉速則雨立應邑紳嚴李奇廖標李茂建龍界菴其上夏日避暑于此溪雲乍起山雨忽來滴響潭中鏘然成韻聽之忘倦

秩官志

令長宰制百里師儒教育英才尉微詰奸察盜克稱厥職難矣乃知青衿向化黃髮履禮非神明博達孰能與於此乎志秩官

文職

知南儀州

宋

黃仲通

名正以字行曲江人真宗時以著作佐郎任見省志

知縣

明

劉鎮

洪武三年任詳名宦

謝有立

永樂十一年任陞本府通判詳名宦

周

溥

瀏陽人正統七年任

楊

衍

天順元年任

胡

濬

宜興人天順六年任

陳

琦

順德人監生成化元年任

勞

雍

弘治元年任

余敦善

靖安人弘治七年任詳名宦

劉

玉

贛縣人舉人弘治十四年任

吳從周

南平人舉人正德七年任

張拱樞

興國人監生正德十三年任詳名宦

劉

曠

南海人舉人嘉靖元年任

金文仲

洪武間以吏部員外郎謫藤州同知署任有善政

倪良

江西人永樂十五年任舊志作洪武十五年任今從省志

黃

智

景泰元年任

馮

英

一作瑛瓊山人天順三年任

陳

誥

天順八年任

黃鳳翱

瓊山人舉人成化六年任售志翱作鰲六年作十六年誤

查

偉

沔陽人監生弘治四年任

陸

璵

平樂人監生弘治十一年任

王

綱

長汀人監生正德三年任

莫汝能

馬平人舉人正德十年任

石希介

成都人監生正德十四年任詳名宦

高

斐

汶水人監生嘉靖三年任舊志作裴

王 誥 永州人舉人嘉靖五年任有遺愛

曹 績 永興人嘉靖十一年任

熊 垚 豐城人舉人嘉靖十四年任

曾廣翰 臨江人嘉靖十八年任

高 鑰 靖州人嘉靖十九年任恩威相濟吏畏民懷

趙 禴 吳江人嘉靖二十四年任寬嚴並用猛賊屏跡

梁彥錦 東莞人舉人嘉靖二十九年任

張友仁 貴州人嘉靖三十年任

劉 嶢 德化人嘉靖三十三年任存心寬恕民皆德之

葉 儒 房縣人嘉靖三十九年任平恕明允民咸戴之

揭 啓 南豐人嘉靖四十九年任明敏有為時曇隆猛盜民一牛啓執戮之諸峒股慄乞降其秀者啓請給衣巾諸猛爭先效順舊志作四十五年任

李 果 新會人舉人隆慶三年任

薛廷寵 晉江人

劉應魁 曲江人隆慶五年任

董如期 長泰人萬曆元年任才猷敏練寇變率民守城邑賴保全

葉 詩 松溪人萬曆四年任澄事精詳羅旁之捷與有力焉

魏天奎 南昌人舉人萬曆七年任

何士瞿 南海人舉人萬曆九年任待民如子疾猶如仇以譖坐調去民饑送窮日至烏峽夜已分矣

周宗道 萬曆十三年任詳名宦

黃應龍 甌寧人舉人萬曆十八年任

徐一文 寧州人貢生萬曆二十一年任卜吉遷學培植人材舊志作二十年任

曾 莘 六合人貢生萬曆二十五年任詳名宦

黃 黼 舉人萬曆三十年任舊志作輔

林文輝 舉人萬曆三十一年任

湯國勳 萬曆三十四年任

吳繼禧 萬曆三十六年任

張聞性 萬曆三十七年任詳名宦

韓蔭良 舉人萬曆四十一年任

王同登 江寧人貢生萬曆四十四年任

詹子忠 莆田人舉人萬曆四十八年任詳名宦

王用霖 南康人舉人天啟四年任詳名宦

蔣三槐 奉化人貢生崇正二年任

陳復虞 保昌人崇正五年任廉惠有遺愛

馬斯才 河源人崇正八年任

盧日就 永定人舉人崇正十二年任

龍永明 湘陰人崇正十六年任

錢夢蘭 崇正間任

國朝

瞿鶴齡 江南鹽城人順治九年任勤政愛民時當兵荒地方殘破能撫綏安輯民甚德之

俞士睿 江南上海人順治十七年任

劉昌言 康熙七年任詳名宦

黎士望 廣東人康熙十四年任時當變亂能竭力保障民賴以安

楊作霖 四川南部人康熙十八年任

封式序 江南泰興人例監康熙二十八年任減冤米除火耗革各項承役銀兩及大祭各埠陋規精明果斷士民思之

曹樸 河南祥符人進士康熙三十年任

張庚曜 順天大興人進士康熙四十年任嚴於治盜邑境以寧

劉洪度 湖廣廣濟人康熙四十七年任

富鵬業 福建晉江人舉人康熙六十一年任

鄭炎 福建福清人舉人雍正八年任

何夢瑤 廣東南海人庚戌進士雍正十三年任

教諭

明

曾本 洪武初年任

劉邵

陳士良 崖州人俱永樂間任

黃道 正統間任

馮景 萬州人景泰三年任

劉廣國 順治十四年任詳名宦

倪懋禧 江南江都人康熙元年任

孫士恂 浙江烏程人舉人康熙十一年任

李泰 浙江人康熙十六年任

趙純禧 正藍旗人官生康熙二十一年任釐剔弊政革去月夫准民彙納催科無擾遠邇歌懷

呂猶龍 正紅旗人康熙三十九年任

張義 康熙四十三年任詳名宦

周夢錦 福建寧化人舉人康熙五十七年任精明果斷凡以人命誣告者立燭其奸無株連屈抑民德之

劉信嘉 江南山陽人進士雍正二年任廉明公正禮士恤民詳革里冬均攤亡米民甚德之

李旭 雲南嵩明人舉人雍正十一年任

何

何進 洪武間任

李勉

徐謹 吳縣人宣德間任詳名宦

葉榮 博羅人景泰二年任

曾文盛 莆田人天順八年任

蔣聰 東莞人舉人弘治六年任詳名宦

陳夔 番禺人弘治十五年任詳名宦

曾應昌 瓊山人

唐文明 臨桂舉人勤於課士

陳守魯 莆田人正德間任

王仲時 安福儒士嘉靖初年任

管祥 臨桂人

黃壁 新會人嘉靖八年任

陳肅 臨桂人嘉靖十三年任

林安楨 莆田舉人嘉靖二十三年任

鄭器 寶應人嘉靖三十三年任

盧義 曲江人嘉靖三十五年任 昶躬謹飭勤教恤貧

李時 普安人嘉靖三十七年任詳名宦

姚翱 貴州人嘉靖四十年任

黎士偉 南海舉人

盧學顏 歸善人隆慶三年任廉慎勤教

甘廷魁 侯官人隆慶六年任

謝講 羅城人萬曆三年任

謝茂 太平人萬曆九年任

趙存豫 馬平人舉人萬曆十一年任 師道克敦教人若子

李一新 柳城人萬曆十五年任

王光信 信宜人萬曆十九年任

陳梓 長寧人萬曆二十一年任 莊重廉明雅稱師範

李御選 太平人萬曆二十四年任 陞會同知縣

周表輔 恭城人萬曆二十八年任

廖璋 桂林人萬曆二十九年任

梁周倫

姚大武

雷時雨

王元輔

周基命

周必卓

虞廷愷 昭平人俱天啟間任

蔣繼元 南海人崇正元年任

吳嘉蔭 貴州人崇正六年任

唐廷憲 南海人崇正十年任

鍾振輝 番禺人崇正十五年任 課士有方與邑紳廖標李茂選勝買洲環植百卉名百花洲詳八景

國朝 國初皆署任無部銓者康熙三年奉裁二十年始復設

羅印 永淳人舉人康熙三十年任

吳子俊 崇善人拔貢康熙四十年任才情瀟灑啓迪有方陞遂安知縣弟子思之

周之翰 臨桂人副榜康熙四十九年任

鄧玉臨 永寧人副榜康熙五十七年任

唐任藩 全州人副榜雍正二年任

陸本仁 永康人舉人乾隆元年任

訓導

明

馮士聰 藤州人洪武八年同知金文仲薦膺斯任

莫汝斌

包繼祖 合浦人俱景泰間任

馮明 番禺人俱天順間任

桑榮 保昌人俱弘治間任

劉材義 天台人正德間任舊志作才義

蔡侃 順德人嘉靖十八年任

程宏道 海陽人嘉靖二十六年任正以帥人嚴以立教

廖仲儉 保昌人嘉靖四十年任

蘇節 新會人隆慶二年任

區運 高明人萬曆四年任

計履亨 馬平人萬曆十一年任

原問行 宣化人萬曆十九年任

郭遴 恭城人貢生康熙四十六年任

袁膺俊 賀縣人拔貢康熙五十四年任

陳齊蕃 臨桂人貢生康熙六十一年任

藍露潤 宜山人副榜雍正九年任

成勝

王淮

李昱

劉浦 高要人饒平人正德間任

周仕珣 德間任

彭求 寧遠人嘉靖四年任

熊衍 道州人嘉靖二十一年任勤於訓課始終如一

高蟾 彬州人嘉靖三十一年任持躬謹飭

吳岳 貴州人嘉靖四十四年任

謝於芑 清遠人隆慶肆年任

麥壯 南海人貢生萬曆八年任

蔣士賓 全州人舉人萬曆十二年任

陳天遂 大田人萬曆二十三年任

曹可章 南海人萬歷二十七年任

秦正氣 雒容人

羅昊 富川人

譚士奇 太平人

陸寬 歸善舉人

彭坤 宜山人

嚴民牧 翁源人

國朝 舊志順治初裁訓導止存教諭康熙二年併裁學篆歸縣攝理十年始復設訓導一員

滕愈濬 全州人康熙十一年任吳逆之變避亂連城不肯從逆士論咸歸

嚴中 廣東人康熙十八年任

莫可甲 永寧州人康熙二十一年任

麥瑄 平南人康熙二十二年任

何其偉 平樂人貢生康熙二十六年任

杜駿聲 桂平人貢生康熙三十八年任

莫若蝦 崇善人貢生康熙四十六年任

韋至人 來賓人貢生康熙四十九年任

滕上譽 新寧人貢生康熙五十六年任

譚宙可 思明人貢生康熙六十年任

黎崇德 義寧人貢生雍正八年任

陳五瑞 永淳人貢生雍正十一年任

莫弘琬 河池州人貢生雍正十二年任

主簿

張翼 陝西人洪武二年任

趙探夫 蘇州人洪武七年任詳名宦

明

典史 舊志明初置主簿後裁去始置典史

明

陳仲純 正統間任

鄭彬

區昌 新會人景泰間任詳名宦

潘普濟 天順六年任

黃裳 成化二年任

張俊

黃金

劉芳 番禺人



趙誠 道州人 俱正德間任

黃文釗 麻陽人

范珠 南城人 嘉靖十二年任

周文仲 莆田人 嘉靖十七年任

阮亮 豐城人 嘉靖二十七年任 陞和平縣主簿

余文簡 莆田人 嘉靖三十九年任

林來鳳 莆田人 隆慶二年任

周邦 番禺人 萬曆三年任

邵益光 增城人 萬曆八年任

張尙袞 餘于人 萬曆間任

鄔寧和 金谿人 萬曆二十一年任

戚暉 楊州人 萬曆二十八年任

國朝 舊志自順治十三年始有區照廣東人署任時地方初定饑饉游臻照悉心經理民賴以安后奉文不許委署署任不錄部銓者

孫錫昌

蔡鵬 龍溪人 康熙四年任

王揚基 陝西人 康熙十年任

吳必傳 陝西人 康熙二十一年任

吳漆 直隸開州人 康熙二十七年任

劉珍 河南長葛人 康熙三十六年任

李兆陞 浙江鄞縣人 康熙四十二年任

雷謙 藍山人 嘉靖初年任

周洪 道州人 嘉靖八年任

汪輝 徽州人 嘉靖十四年任

姚鳴鵠 莆田人 嘉靖二十五年任

區文拱 南海人 嘉靖三十四年任

潘文賓 閩縣人 嘉靖四十四年任

羅剛 南海人 隆慶四年任

楊璽 福建人 萬曆六年任

張勝 東莞人 萬曆十年任

柳承榮 臨湘人 萬曆十六年任

王一道 潛山人 萬曆二十五年任 廉慎有為奸暴屏迹建城有功陞昭平主簿尋卒士庶哀思之

陳灝 紹興人 順治十七年任

費彥昭 錢塘人 康熙九年任

洪霖 碭山人 康熙十一年任

高雄飛 河南孟縣人 康熙二十五年任

王修 陝西隴西人 康熙二十九年任

葉一相 順天大興人 康熙三十八年任

毛偁 順天大興人 康熙四十七年任

焦霖 山東鄒縣人 康熙五十年任

高永新 順天宛平人 康熙五十四年任

沉德誠 浙江會稽人 康熙六十年任

王繼述 直隸房山人 雍正二年任

劉西奇 陝西朝邑人 雍正七年任

童正 甘肅古浪人 乾隆元年任

巡檢

國朝

馬守惠 盛京人 順治十四年任

孫蕃 西安人 順治十七年任

沈邦祚 紹興人 康熙七年任

熊之渭 盛京人 康熙十年任

丁尹謨 順天人 康熙二十四年任

范嘉賓 順天人 康熙二十七年任

樂洪 山西陽城人 康熙三十一年任

傅國楨 浙江山陰人 康熙三十五年任

姚煒 康熙四十四年任

田世福 陝西富平人 康熙四十四年任

王雲 順天通州人 康熙四十五年任

武天保 山西平遙人 康熙四十九年任

宋秀 真定人 康熙五十四年任

王朝珍 直隸撫寧人 康熙五十七年任

潘文桂 任邱人 康熙六十年任

金景 順天大興人 雍正三年任

董瑣 宛平人 雍正六年任

顧永洗 順天大興人 雍正十一年任

武職

潯梧參將

明

王德懋 桂林人 萬曆四年駐防

張榜 金華人 萬曆七年駐防 號令嚴明 時稱良將 倡議移鎮大同 事詳兵防志中

周勳 鬱林人 以都司署參將 事萬曆八年 駐防時 督府以大峒將府事 屬勳 勳進兵 據險 直至大崗 築城 建府 自是參將 移鎮大崗 獠獠斂戢 勳之力也

朱先 蘇州人 萬曆九年駐大崗

白玉 桂林人 萬曆十年駐防

戴應麟 金華人萬曆十一年駐防

蔡春 澄海人萬曆十四年駐防

吳紳 山陰人萬曆十五年駐防

童元鎮 桂林人萬曆十六年駐防

洪夢鯉 龍溪人萬曆十八年駐防

吳顯忠 山陰人萬曆二十年駐防

李鳳 慶遠人萬曆二十二年駐防以他事往潯值獠亂毀將府

吳廣 金溪人萬曆二十四年駐防大崗將府被賊焚燬廣就城構至暫居法令嚴明謀畧過人賊平後計擒戎首誅戮線躋凡所規畫悉中機宜境賴以安

劉宗漢 肇慶人萬曆二十五年駐防時修將府暫楊應光 直隸人萬曆二十八年駐防

援剿遊擊

國朝

唐鳳 潮州人康熙十三年駐防詳名宦

梧州協都司

國朝

管輝 程鄉人康熙十八年率師恢復岑溪擒僞知縣曾浩破土寇曾琦捍衛之功甚偉復念岑民凋敝與知縣楊作霖等詳革陋規岑民德之

潯梧協千總

國朝

徐國才 湖廣人康熙七年分防禦妖寇彭奇馮四覃覃朝剛之亂堪稱保障

梧州協把總

國朝

劉楚 河南人詳名宦 修國梁 康熙四十三年任

袁宏猷 康熙四十五年任 趙國英 康熙四十九年任

黃經 康熙六十一年任 梁文顯 雍正三年任

詹應元 雍正五年任 楊文臣 雍正十年任